

四庫全書

集部

欽定四庫全書

集部

皇清文頴卷

二十九

詳校官檢討

臣朱依灵

主事銜臣徐以坤覆勘

覆校官中書臣田尹衡

校對官助教臣蔡鎮

謄錄監生臣胡永齡

欽定四庫全書

皇清文頴卷首十九

御製詩

樂府

傲雲漢詩體敬製雩祭樂章以申誠懇八章

瞻彼朱鳥爰居實沉協紀辨律羽蟲徵音萬物芸生有  
壬有林有事南郊陟降維欽瞻仰

昊天生物為心

一章

維國有本匪民伊何維民有天匪食則那螻螻鳴矣平

秩南訛我祀敢後我樂維和鼉鼓淵淵童舞娑娑

二章

自古在昔春郊夏雩曰惟龍見田燭朝趨盛禮既陳神

留以愉雷師闐闐飛廉衙衙曰時雨暘利我新畬

三章

於穆

穹宇在郊之南對越嚴恭

上帝是臨繭栗量幣用將悃忱惴惴我躬肅肅我心六

事自責仰彼桑林

四章

權輿粒食實維后稷百王承之永奠邦極惟予小子臨  
民無德敢懈祈年潔衷翼翼命彼秩宗古禮是式  
五章  
古禮是式值茲吉辰玉磬金鐘大羹維醇元衣八列舞  
羽繽紛既侑

上帝亦右從神尚鑒我衷錫我康年  
六章

惟

天可感曰惟誠格惟農可稔曰惟力作恃

天慢人弗刈弗獲尚勤農哉服田孔樂咨爾保介序乃

錢鏐七章

我禮既畢我誠已將風馬電車旋駕九閭山川出雲為霖澤滂雨公及私興鋤利甿億萬斯年農夫之慶

八章

乾隆八年秋朕奉

皇太后恭謁

祖陵還至盛京受朝錫宴夫漢高過沛而歌大風情至

斯動直已陳德况予小子覲揚

光烈能無言之不足而長言之哉爰作世德舞辭十章

章八句

粵昔造清匪人伊

天天女降思長白闥門

叶

是生我

祖我弗敢名

叶

迺繼迺承逮我元孫

叶

一章

元孫累葉維

祖之思我西云來我心東依歷茲故土仰溯始謀

叶

皇

澗過澗締此丕基

二章

於赫

太祖肇命興京哈達輝發數渝厥盟如龍田見有虎風  
生戎甲十三王業以興 三章

爰度爰遷拓此瀋陽方城周池太室明堂不寧不靈匪

居匪康事異放桀何心底商 四章

丕承

太宗允揚前烈倬彼松山明戈耀雪以寡敵衆杵漂流

血惜無故老為余詳說 五章

余來故邦瞻仰



橋山慰我追思夢寐之間宗政清寧載啓南軒華而不

侈翬哉孔安

六章

維我

祖宗欽

天敬

神執豕酌匏咸秩無文帷幔再張樽俎重陳弗渝弗替

遵我

先民

七章

先民宅茲載色載笑今我来思

聖日俯照爵我周親蓋臣竝召亦有嘉賓歡言同樂

叶

八章

懿茲東土允惟天府土厚水深周原膺膺南陽父老於  
是道古有登其歌有升其舞

九章

我歌既奏我舞亦陳故家遺俗曷敢弗因渾灝淳休被  
于無垠勿替引之告我後人

十章

雉將雛

行行麥隴邊見一雉將雛雛兒纔長成啞啞學母呼一

解翅軟未解飛嘴嫩未能食飲啄與遊翔皆賴顧復力

二解兒兮依其母母兮愛其兒一朝羽翼全那料南北

飛三解有童持長竿捕雛何遽遽老雉雖善飛繞匝不

忍去四解雛兒頗有智藏伏荆棘間棘密難探取頑童

悵空還五解須臾童去遠老雉還來視母子得全活鼓

翼心倍喜六解爾童一何忍爾雉一何慈孰謂天良心

人禽乃倒之七解觀物可會心撫古常自鏡今朝忽見

此大愧中年令八鮮

夜夜曲

明月照我室清風拂我牀我思在何所伊人水一方清  
風拂我牀明月照我室肯尋長夜歡支枕誦無逸無逸  
支枕誦展轉念民依孰饑兮缺食孰寒兮鮮衣饑寒切  
中人何事不可有頽風日以滋吁嗟誰之咎

君子有所思行六章

君子有所思所思悠且遐叶休哉渾噩風軒轅一夢餘

嗚呼斯世兮何日成華胥

君子有所思所思閭閻閭閻耕九而餘三有備乃無患嗚呼斯民兮安得免饑寒

君子有所思所思久以長猗歟至治世殷序周有庠嗚呼斯道兮何以被黎罔

叶

君子有所思所思怒未已宛然水一方蒹葭徒采采

叶

嗚呼斯人兮孰共緇衣美

君子有所思所思秋復春望道而未見簡編良具陳嗚

呼斯後兮何以淑其身

君子有所思所思切衷獨義經居玩辭曰无往不復鳴  
呼斯義兮保泰責誰屬

四言古詩

冬至有事於

南郊敬成八章章八句

於昭

天鑒眷於有德佑我

太祖東土是式

帝命不顯皇清不靈明德惟馨以畀萬邦

其一

赫赫

太祖

天篤其祐穆穆

太宗丕顯丕承駿德光昭爰受鴻名建國紀元肇定大

清

其二

暨我

世祖混一區夏

聖祖紹之容民厚下民安於耕物適於野六十一年惟

天降嘏

其三

皇考翼翼思為君難立綱陳紀祇承克艱授位渺躬受

命自

天敬念紹庭敢忘寅虔

其四

日惟長至爰卜

南郊三齋五戒將事吉朝式瞻百辟玉佩金貂式虔爾



心無或逍遙

其五

爰升燔柴燔柴惟烈爰陳俎豆俎豆維潔惟予小子敬  
捧蒼璧明明

帝神尚其來格

其六

神之格思降福穰穰敢曰予小子誠通

吳蒼自我

祖宗受嘏惟純

景命縣縣逮我後人

其七

伐鼓淵淵建旆翩翩祀事用成福祿來駢匪以祭而專  
匪以燕而遷對越

昊天豈敢間兮乾乾

其八

萬竿烟雨

有猗者竹在彼渭川乃含宿雨乃帶朝烟其色維何非  
娒非妍其音維何非管非絃有客坐對羗民之先其屋  
何有四壁蕭然其手何持道德一編逸民也歟吾何得  
而致焉

五言古詩

古風四首

泰山不讓土河海不擇流為學亦如此取益在廣求見  
惡當自戒見善期自修三人有吾師近取乃日休

孟山何岌嶢有獸曰騶虞賦性本仁慈舉趾惜靡蕪終  
為王者瑞見乃盛世符南山有猛虎食肉如食芻饒嗜  
飽腹腸何論有無辜一朝獵者至咄嗟喪其軀仁殘天  
道顯視此何所殊

郭公解布穀王孫能促織區區禽與蟲因時亦有識人  
生性本靈充然備五德私利一薰蒸靈臺因室塞譬彼  
瑤臺月忽被蟾蜍蝕克已萬理明處事乃不惑

春風二三月花嶼爭芬芳出門踏青人車馬沸如狂芳  
甸布綺席繡陌遺琳瑯幽蘭在空谷詎肯生道旁地僻  
人莫賞誰識王者香我來採盈把歸植讀書堂同遊不  
同趣對爾聊徜徉

讀西山先生大學衍義

晴窓披典墳望古興遐想眷惟希元翁體道粹涵養著  
有行義書妙蘊資尋做大舍亦細入淳泓包萬象孔曾  
緒不墜千載揭昭朗讀書思其人高山欣景仰

冬夜偶作三首

天寒鵝歸早月上人語靜融融地爐煖紙窓散清影白  
日雖苦短迢遙愛夜永敲句和殘更惕然發深省

簾幙重重下獸炭旋旋然猶恐寒侵肌向火爭趨前懸  
知玉闕外雪積層冰堅出征衆軍士數稼實可憐况當

歲云暮家室情更牽所恃雨露厚無賴主帥賢凱旋應  
指日永不成窮邊

梅月窓外橫漏滴響未了心間吟思生境靜俗情掃每  
從物理中畧識清心道撥火且烹茶一杯供軟飽

催耕鳥

條風天宇布百昌欣韶熙村原趣已佳綠水明千畦秉  
耒耕南畝提壺餉東菑郭公何丁寧催耕田畔啼高樓  
嫩柳梢低喚柔桑枝分明為一言東作當及時田老聞

之喜胼胝非所辭田婦聞之喜饋饁職所司但願歲豐  
穰辛苦甘共之幾度聞此聲蚤起竭力為那似香閨中  
驚眠翻怪伊

相馬吟

知人固非易知己良獨難譬彼駕鹽車太行阻且屹惜  
哉騏驥良徒共駑駘餐一朝遇伯樂三鳴感多端秣甘  
飲清水飾之錦繡鞍西極崑崙墟東窮渤海漫追風四  
蹄輕飄飄如羽翰聊藉酬知音不顧汗血殫伯樂不世

出騏驎空自殘誰憐伏櫪者執策一長嘆

灌麥

大麥五寸長小麥三寸半地乾苗欲枯離披攏畝畔猶  
幸灌溉便近傍河之岸清晨課僮僕輓轡轉雙腕初看  
土濕濕漸覺流漫漫須臾苗盡起生意良可玩爾僕聽  
我言莫怨體流汗不見萬頃田農夫徧澆灌

讀范文正公神道碑用宋陳傅良原詠韻

入夏南風薰花木圍我廬我廬何所有挿架古人書希



文古大臣不與伊葛殊特達圭璋器心跡天日如今讀  
神道碑更識為名儒中庸賴公顯程朱繼其餘廟堂而  
江湖憂樂與民俱天章十條陳忠懇豈區區仁宗稱賢  
主理理亦可期叅政僅九月不及大有為徒令范老子  
聲名播荒陬

古風七首

堯舜傳心學危微十六字禹湯繼其傳執中與禮義文  
王躬疊疊不已功常粹唐虞三代初大道中天麗比屋

皆可封無煩別義利詩亡春秋作風薄俗亦偽惟時王  
道衰人人騁私智天生我仲尼金聲振洙泗刪詩定禮  
樂堯舜功不啻一自泰小顏彌天布妖彗楊墨逞邪說  
申韓建私議鄒嶧乃揚徽奮然闢險詖戰國逮嬴秦道  
蝕斯文墜祖龍輕狂兒輒敢燔典志劉季提三尺儒風  
豈云熾武帝始求賢董子明正誼三策醇乎醇天人理  
咸備昌黎稱間道猶未齊其蔽自漢迄宋初道昏人如  
醉偉哉無極翁粹然秉道氣學不由師傅理已臻極致

二程實見知主敬標赤幟朱子集其成經天復行地緬  
維千載心授受本同契絕續遞相行斯文統緒寄千運  
數恰中自協唐虞治作君兼作師吉士踵相繼

巢由避堯舜遯世心自安嚴光繼其蹤隱約富春灘光  
武曲成之高節難躋攀東漢尚名義廉立懦與頑奸雄  
且顧忌千古一釣竿

中天秋月皎四野秋風生庭梧一葉落陰蟲相和鳴鴻  
鴈橫遠塞音響一何清蟬嘒忽已寂又催刀尺聲物理

皆如此隨時有枯榮

東海有瀛洲仙人居其間安期羨門子九轉成金丹自  
謂得長生飛昇如羽翰倫物苟遺棄孤生亦何歡

濂溪惟愛蓮淵明惟愛菊吾於羣卉中特愛渭川竹嚴  
冬草木枯依然挺青綠扶疎繞屋栽朔風鳴寒玉直哉  
君子節所守貞且篤

秦王失其鹿英雄爭逐之沛公入關中三章法令施偉  
哉蕭相國策力咸會時鴻門宴諸侯端坐袞冕垂一增

不能用勇力徒爾為矧迺殘暴衆志均乖離用賢兼  
愛民斯為王道基

淵明既歸田門前種五柳心與世俗隔讀書快飲酒惟  
結山水緣那復戀五斗微意殊可風亮節不掛口

過曲澗花香遊流杯亭日知閣諸勝

西苑曠且奧肇自明代作瓊華萬玉堆太液千夫鑿平  
地起蓬瀛城市而林壑松篁幾百年參天秀峯嶸秋深  
鴻雁鳴春暖桃李灼世廟求神仙林亭更開拓方士朝

扶鸞虛皇夜飛鶴丞相冠蓮花將軍赤符縛雞犬  
倏已昇殿宇還如昨

盛朝建邦畿舊制因城郭何獨廢西苑姑亦存其略  
高居非昔比偶幸行宮若雍正二年夏承恩開講幕  
避暑供游息勝迹頻探索湛湛芳草青潏潏遊魚躍  
蔥蔥梧桐枝爛爛蓮花萼或宴水雲榭佳景開芳酌  
或賦迎薰亭妙句隨興落師友得從容昆弟善笑謔  
是秋獵塞北奇峯峭天削回思此間山宛似日出爚  
因緣不復至撫

景懷佳約時過玉竦橋波光含漠漠烟際辨樓臺松竹  
紛竿簫彈拍十年間何異風鳴鐸前日重來遊未能窮  
其樂遙矚淑清苑凍岸不可泊今朝好風景遲日中天  
燭少自瀛臺橋踏冰行蹻蹻乾蘆尋曲徑虛殿開金鑰  
穿雲洞戶深步石川梁迤乃知洞裡天自與尋常各冬  
深景寂寞翠剩琅玕籜間坐流杯亭更登日知閣會心  
濠濮間呼朋嗒然喙其北乃假山巉巖何磊砢攀援徑  
絕處深澗戲騰蹕時我徑過之我童猶畏却其上掛瀑

布結構儼廬霍飛沫雜冰流玉牙排斷喟其池乃不凍  
疑有馮夷托當年觀魚亭塵土生珠箔歸鞍適然返聊  
爾何住着我間山水緣好者不為惡何必買山錢底須  
蠟芒屨前居水中萍茲遊林裡雀異日得清暇還教度  
畧約

海子外行圍

朝霧斂秋空遙天白如水獵騎出郭門寒郊行邈迤箭  
逐雙鵬飛鷹伺羣雉起相逢倚杖翁農話斜陽裏悠揚



墟里烟淡掛疎林紫歸鞍拂晚風獵罷心猶喜

茅檐曉曝

烏啼霜月落朝旭纔三竿寂寂寒村景參差入遐觀茅  
檐晴趣佳野老方負暄那知嚴風淒但覺愛日溫是時  
罷三農繞膝圍童孫快哉黃棉襖普被無卑尊熙太和  
世大哉天地恩至樂矜新得擬欲獻金門

冬夜偶作四首

風簾送竹音月窓散梅影稍喜萬幾暇敲句寒更永棲

鴉寂不鳴漏滴銀壺靜遙想謀利人夜半喧市井設非  
為衣食肯冒清霜冷饑溺聖人心撫躬常三省

曩吾詩興豪即景抒清思非云誇別裁藉以道己意茲  
偶拂吟牋捉筆聊且置豈嫌推敲苦為恐雜心志吾志  
在何所望道猶慚未曾聞聖賢語躬行實匪易

盆卉吐芳葩氣轉陽和新匝屏風開嶙峋獸炭焚縷  
縷篆文斜一室藹如春却憶閭閻間比戶婁且貧龍堆  
雖罷戰尚有長戍人譬彼嬰兒啼父母寧忍聞念此展

轉愁丙夜憂思頻

昔愛冬夜長隨意消清福今苦冬日短剪繁批奏牘稍  
暇兀然坐詩興亦局速豈無玩好資足娛耳與目開編  
對聖賢祇覺增慙慙

暮春圓明園即景二首

夜來膏雨足曉起倚前楹芳園景已佳百卉爭鮮榮迷  
離柳絲重間闌鳥和鳴遠峯螺髻翠新漲鏡面平依依  
陌上花向人如有情維我值幾暇裁詩聊品評品評何

所樂所樂足春耕

心閒境自幽樹老園更古況復近西山雲氣時吞吐結  
茅為屋宇欲識農家苦俯仰覺安和何必誇瑤圃

時巡近郊見西成有象喜而賦此

緬懷春之暮彼蒼有旱意憂心怒如焚中夜望天賜賑  
恤發太倉綢繆無不備賦彼雲漢詩展轉詎能寐好生  
天之心一雨蘇萬類苗者日以秀秀者日以穗時巡屆  
初冬夙駕催六轡眄茲場圃間頗覺倉箱積千畝幸有

獲二鬴猶未遂稍足慰吾心尚未愜吾志吾志伊如何  
教養非二事即今比戶間豈盡知孝義披褐者農子前  
驅莫訶避疾苦當諮詢痼瘵予增愧汝饑誰之由汝寒  
吾所致賙賜出泉府旬宣屬官吏猶恐億兆民未盡沾  
實惠際此薄有收聊可酬望歲寄語為政者豐年實為  
瑞

初晴晚照

落景掛平林初晴景倍好霞連天際小風動枝頭鳥間

心遊物外逸興託雲表茲焉足自適何必尋蓬島

十一月初七日得雪時大雪節也喜而有作

小雪雪霏霏

小雪節亦有雪

大雪霏霏雪今年三白早喜復應

時節朝來眇庭除皚皚堆玉屑上林冬欲半滿樹瓊英  
纈曩余饒逸興玩賞吟清絕值此六出飛豈不中心悅  
所樂在田疇望歲念彌切裁詩為誌慶那更論工拙

華嚴洞勒壁

別院駐鑾輿瞻禮招提境清曉趁風涼捫蘿登絕頂嵌

石老松蒼滴乳寒湫淨初上若無路漸入多佳景豁然  
雲木開古寺橫山嶺石龕月相閒簷鐸風聲靜朱欄俯  
帝畿烟火富閭井旋憇華嚴洞颯然衣袂冷深窺潛竇  
黑微聽幽泉洄何須一指參自覺萬慮屏

飼魚

臨流坐石磯忘機魚不避投餌試飼之引類紛然至却  
知非釣竿在藻心無忌清漣漾鏡光一一堪數計因之  
識魚樂長歌發幽思遐想天地間人物理不二有心鷗

乃去去實人所致吁嗟庸衆流勞勞為名利有時喪其  
良反不如魚智若令貪釣釣早作盤中味

每有吟詠輒以示大學士並南書房翰林等或命  
依韻迭和非以辭藻相誇尚幾暇之餘相與優  
游翰墨亦可以陶性情驗政事比之徵歌選舞  
不猶愈乎因書以示之

宣尼曾有訓羣居不及義况在君臣間尤貴同茲志譬  
彼舟楫具大川方堪濟彼民有隱情孰為達其意或政



有偏頗孰為防其弊三百一言蔽曰惟無邪思可知詩  
教正其葩乃餘事惟予忝民上奉三而出治所愧理未  
純因之政多戾皤皤二三臣咸具經邦智濟濟翰苑英  
亦有責難誼因言匡不逮所益良匪細若徒獻頌詞恐  
滋後來議

觀穫

白露湛郊原西成候已至綠野滿黃雲紫莖垂絳穗鉉  
艾茲其時錢鏞良具庠樂餘臨別院農務觀次第值此

歲云稔實感天所賜念子恤民艱常凜祈年意積以三  
時憂今朝乃大慰

讀杜子美集有感

男子妬名祿女子妬顏色古今坐此病幾喪人家國不  
惟庸衆流英才每被惑卓哉少陵翁獨能秉譙德當時  
言詩者非甫則云白觀其寄李詩自謂如不及其實寂  
衆言何用誇奇特茲人嗟已往誰得其正脈獨嘉不伐  
心永言以為式

心遠閣秋眺示大學士及南書房翰林等

一指當人前不見泰山高離婁閉目時詎可察秋毫至  
人用心鏡萬物不能逃王者明四目智燭良獨操茲閣  
名心遠寓意豈在遙結構山之巔俯仰近雲霄況值三  
秋深天氣高汎寒葉落萬林疎憑眺心神超伊余有遠  
思匪戀物華撩或情有壅蔽或民嗟苦勞或賢當登進  
轉令在下僚或時雖小安遽益志氣驕見理有不周愆  
尤自此招辨言有未當是非致混淆心遠之謂何豈謂

盼荒郊即事因自做此樂非遊教

昔聞

昔聞盤山側有谷名虎里白額任縱橫居民皆遠徙有  
一雲水僧結菴山之岨夜坐悟無生曉起擔柴水忽然  
一虎至是僧瞋目視孽畜胡為來速去斯可矣虎果掉  
尾去如聽彼指使自此衆鄉民號之為佛子僧亦自謂  
神其實無他技無何虎復來咤之厲且訾遂逐行近前  
僧憊乃拜跪四隣爭赴救虎去僧早死方知浪得名前

番幸偶爾有名無實人可以鑒諸此

寒雀

驅車涑水道野曠風蕭蕭日出嵐霧斂村木森寒條凍  
雀三五羣依依棲霜朝晚穗收穫盡饑寒苦無聊啾唧  
如鳴悲春陽愁正遙野鶴翔高空清唳響雲韶霜翎耐  
嚴冬稻梁不可招或時斂翮下千尺長松梢俯視衆寒  
雀嗟哉爾徒勞

夜靜觀書

省書如看山其境日日殊隨境不會心多聞不如無況  
乎辨治亂因以別賢愚豈徒誇英華言行須相符念予  
志學時所慕君子儒詩亦尊李杜文亦宗韓蘇要歸踐  
履實聖言非我誣即今持治柄豈不慕唐虞措行始知  
艱慮為空言徒裁詩銘座右庶幾日警吾

春日載陽土膏滋潤努力東作正宜其時既命各  
省督撫勤宣朕意其有籽種不足者量借予之  
又成此詩以示重農務本之意

去年冬雪少厯懷殊未置入春稍釋憂霑足叨天賜更  
喜遠近同優渥遍大地東作此其時可不盡人事因命  
岳牧臣共勗勤宣意督耕策其惰借種施以惠惟此重  
農心匪慕驩虞治

讀朱子全書

少時慕才華研精味辭藻微言探月窟逸興橫雲表措  
思每廢餐兀兀忘昏曉雖云俗慮無却被詩魔擾至理  
在目前棄而求深窈曠蕩無所歸悵悵盈懷抱近讀文

公書習氣從茲掃因知九仞山一簣功不少作此聊自  
訟詎足云見道

書法中最喜黃庭堅筆意因而有作

羲之稱書聖諸體無不有齊梁作者無李唐推顏柳惜  
哉世已遠贗者十之九宋元差可尋翰墨出親手幾暇  
戒宴安時或遊藝數就中名蹟夥惟愛魯直叟個儻無  
安排瀟灑絕塵垢譬如百尺松孤高少羣偶信筆一規  
摹運腕忘妍醜所師在神勁詎論形肖否伊余有深意



筆諫曾謹守好尚苟不端喪德良已厚所愛汲黯慙裁  
詩銘座右

燈

騰輝照綺席散彩當珠殿馥馥博山香遲遲玉漏箭影  
射桃笙流華映蝦鬚絢九枝非所貴分陰誠可羨方勵  
焚膏志敢卜通宵宴剪燭閱秦章毋使目光眩

南天門觀音寺遙望

古刹禮大士虛堂息勞身旋起憑欄望舊徑還如新谷

轉見行騎山高截片雲是時秋始孟綠樹猶繁紛兩山  
闢仙境一路無纖塵裊裊旌旆影隱見出嶙峋逸興一  
以暢轉益憂懷頻念彼隨從者跋涉良苦辛

塞上秋景

盧龍風日寒况復臨素節芸黃帶露稀峯翠經霜潔宇  
空雲影淡流冷泉聲咽夙志慕高清對此聊怡悅

皇清文頴卷首十九

欽定四庫全書

皇清文頴卷首二十

御製詩

五言古詩

古風三首

建極撫五辰執中御八埏望道而末由朝夕增惕乾曩  
余佩古訓治理頗能言行之扞格多乃悟實踐難克已  
苟未至其失已大焉如木斯有本如水斯有源源本或

有乖設施亦徒然觸目堪警心小子其慎旃

重華協帝治闢門延英俊如茅斯拔茹賢才乃奮迅其  
源苟不清所用安可信求者為虛聲應者為干進譬珠  
在深淵魚目難容混譬玉在完璞瑕瑜慎所遴履信而  
尚賢庶乎天助順

天道有循環培栽而覆傾人道有損益好謙而惡盈君  
子審厥幾處夷乃若驚况乎持大寶驕滿毋或生人君  
惟一心干者萬計迎紀綱苟稍紊調劑安可憑憂其所

可恃懼其所可矜善醫善計者其道良足稱

路旁

路旁一野老呻吟一何苦鳩面步履艱單衣百衲補試  
問何方人云籍隸齊魯猶憶少年時逃荒離故土傭佃  
聊度歲又復病雙股問翁業何有囊無一粒黍問翁室  
何有妻沒絕男女煢煢只此身知死何處所我聞淒然  
悲所悲非野父曾記周詩云君子民父母教養違其方  
黎民失恃怙命醫施鍼砭或可離痛楚白金賙其窘屋

居免露處固知煦嫗仁所愧澤未溥

鳩

小軒夏云半嘉蔭誠清絕疎簾隔塵囂翠簾含冰雪何  
來鳴鳩聲得得出林樾拂雨過春時喚霖當夏月物各  
有天性人自生分別何喜噪簷鵲何愁杜鵑血何勞布  
穀催何悲烏夜咽而我聞鳩鳴亦復怡然悅卜雨愜我  
情稍解中心結

曉起

曉起憑軒楹林泉供靜怡假山凝宿潤新花濯故枝洒  
然衣袂涼九夏如秋時俯仰足適興何必登崇臺叶是  
時甘雨足膏澤遍草萊叶念彼隴畝間新秧正含滋撫  
景塵重農豈以恣遊嬉恭已奉三無澄心待萬幾

學字

長夏清且閒朝回憇池館蕙風拂桃笙鵝溪揮玉管淡  
淡墨池雲疊疊來禽版義獻去已遙顏柳真蹟罕追摹  
消永晝徘徊作清伴學敬語堪味筆正規尤善

集晉陶淵明歸去來辭字即效其體

良辰春將及萬物欣得時吾生亦幾何遑遑欲安之巾  
車晨出遊去留不自期丘壑聊流憩琴書心獨怡壺觴  
羨有酒親戚相問遺扶老而携幼東疇命耘耔無心雲  
出岫知還鳥倦飛寄傲天宇內行樂復奚疑

秋日普覺寺

金颺颺華蓋露氣逗曉寒西山景色佳駕言茲遊盤羽  
騎度林樾和鑾駐禪關兩峰闌仙路其背衆嶺環蘭若



百年餘勝景非塵寰是時新秋霽黛色滌遠巒一川禾  
黍風西成誠可觀金吾莫喧呼恐妨僧坐禪屏營禮大  
士而無心可度卧佛伸其足萬劫常安眠菩薩羣擁立  
垂垂寶髮鬕旋憇方丈幽敲火烹山泉泠泠來牖下流  
為清鏡瀾雜英紛砌旁鳳仙與雞冠塵心一以洒迴蹕  
傳林間比丘漫凝睇爭如上方閑

淮揚一帶連歲被水黎民阽危用遣高斌周學健  
前往賑恤兼求疏濬之方瀕行詩以賜之

負宸奉三無垂衣御四陸殷殷何所念所念惟蒼黎祈  
年厯宵旰惟願晴雨時安得海宇間比戶足食衣百姓  
敦親睦農桑樂雍熙圓蓋蔭仁恩邇來無征輦若獲歲  
屢豐教化或可期乃者淮揚郡澤國古若斯年來多水  
災黎民困阻饑旬宣勅大吏補救賴有司瘡痍尚未起  
賑恤宜早施蠲租並截漕疏流兼護隄凡百區畫方實  
藉衆力為吾恩汝其布吾民汝之兒何以淪異漲化為  
杭稻畦何以拯蒼黔免彼溝壑危予憂爾其釋爾勞予

應知勉爾經綸策慰予饑渴思

兩廣總督慶復奏報廣西太平府地湧泉水灌溉  
田禾喜而有作

粵西火畬地尤厯時雨暘曾聞夏仲月旱魃稍為殃企  
望佳音報殷憂殊未央乃者荷天賜湧泉山之旁灌溉  
數千畝源遠流澤長潺潺敷廣野決決活新秧豐稔欣  
有兆大吏馳封章有年願率土況在魚稻鄉依稀寸楮  
間而聞餅糜香所樂在田疇非為誇嘉祥

石門驛

午過石門驛秋風吹廣陌廣陌正西成場圃地無隙與  
與帶穗禾青青盈壠麥最喜秋雨足綠野含渥澤老幼  
無菜色倉箱頗有積四顧生歡心青驄不須策路旁一  
農父倚杖愁默默豈伊憂喜殊其言鄙而得前年夏無  
收所種供蠹賊去歲薄有穫僅供半冬食今秋倍去歲  
鉅刈殊費力租吏下鄉來歛接完賦額吏去業主至逋  
欠坐求責吾農三時勞曾無一日適我聞淒然悲執政

無良畫井田與均田制頗垂簡冊行之時勢異得寸還  
失尺罔民焉可為恒產寃安則翁其善保軀展轉增嘆  
息

再題盤谷寺

盤谷無定名太行亦有之是處兩山環不知名者誰我  
來正清秋萬樹丹黃姿間以蒼厓松尤比春林奇石磴  
溜鳴泉峭崿雲四垂佳景面面殊圖畫行行披依山闢  
新徑掃苔看古碑塵心一以洒不覺歸轡遲

初冬北遠山村

亭臯淡寒林坂原餘殘菊山村學溪莊竹籬圍茅屋欲  
驗農功勤時寓幾餘目值此三冬初樂彼五穀熟雞犬  
靜埒靡穰穗堆困簾稍慰心中憂未釋眉間蹙維揚尚  
阻饑秋來漲淮瀆風冷棚居民幾多向隅哭雖覃賑濟  
恩豈能遍甯獨小稔何足侈緬懷增忤惡

讀薛文清讀書錄

孔孟既云沒邪說浸昌熾祖龍焚阮之吾道益失墜漢

唐千載間孰為傳道器宋氏正學明乃能闢邪說周程  
與張朱前後緒相繼卓哉薛文清為學知取棄獨宗五  
子語可謂得大意茲讀讀書錄聿見平生志自云心所  
開取以相劄記如香象度河步步皆實地澹泊味有餘  
中庸行多愧所欽道聖賢文章乃餘事

春日泛卧遊書室

閒雲縷遠空新水漲中沚幾餘弄桂舟盍然風物美書  
室何必室汲古探幽旨時或眺西山卧遊足萬里魚知

春欲跳平聲鷗為人驚起青青柳眉絲媽媽桃孕蕊蓬牕  
踈密樛條忽移電晷古人惜分陰固知良有以

移花

脈土滋春膏嘉種無不宜偶因省耕暇移花課花師園  
卉日以夥位置殊參差或芳隱岩下或醜露阿垂或以  
蘭蕙質荆棘乃蔽之隱者出諸藪蔽者植之達叢生醜  
露條斤斧稍剪治遵彼除莠訓詎為傷仁慈須臾各得  
所而吾心乃怡霏霏甘雨沾澹澹和風披不枉大造恩



對之有所思所思知花易人兮豈易知

玉卮謠

如脂白玉卮既琢復磨之成器擅工巧恢恢圓中規豈  
以盛醇醪眠花醉月飛擬以薦明水玩襲非所宜更笑  
博古家空爾什襲為永惟無當戒三復實我師

風

園林當首夏暖風日日吹拂雲似席卷飄絮如雪飛繁  
蕊將辭條摧殘胡疾為對之愁焉愁不為惜芳菲年來

春雨艱多賦雲漢詩去冬三白佳膏潤被郊畿滿擬二  
麥豐慰我三農飢亢旱雖未形待澤正此時先憂理則  
然後樂非所期

陰

釀澤雲布空收威風返壑氛氲暗林巒黯淡靜簾箔豐  
隆馳素馭金烏稍斂爚佇待靈雨零普蘇甫田洎憶昨  
三白積滿擬有秋樂春杪缺甘霖入夏驕陽熯縱遲五  
日期

蘇東坡喜雨亭記云  
五日不雨則無麥

望潤心如灼覽古今休徵泰

階調六幕連年憂旱滂信矣余德薄彷徨立階除翹首  
天衣脚

晴

閒雲歸遠峰高空淨如洗亭臯清且淑紗牖玲瓏啓憂  
心此稍釋暫覽風物美青青帶潤針馥馥含香蕊平林  
泛輕籟別渚漲新水湖山弄霽光靄靄吟望裏念子經  
旬愁茲喜良有以猶慮澤未普天恩詎宜恃吾民衣食  
謀巨任將誰委以此數年來樂日堪屈指披圖欽古哲

兢兢惜寸晷况昧康乂術  
惶敢懈敬止永言勵此心  
陟降監厥士

初遊香山作

西山衛帝都勝蹟由來久  
蘭若何紛夥永安斯為首

香山

寺名也我來攬景概正值新晴後  
朏明發御園蚤食至巖

口為境清且幽苔磴篆蚪蚪  
遠睇見罕堵近却蔽林藪

尋徑乃得入疑有山靈守  
豁然壺天開佳趣無不有  
掛一恐漏百為縮裁詩手  
林扃引清籟巉巖抱復陡  
到山

息俗念窮探絕塵垢皈依禮法王如聞獅子吼旋啓來

青軒天藻瞻顏柳

來青軒有御筆普照乾坤

皇祖四字

俯望暢心神碧

浪翻千畝稍憇棲雲樓嵐烟羃紗牖但聞琴筑聲泠泠  
滴階右桃源與北山視此應覺醜徘徊不忍去耽靜亦  
物誘駕言返勤政治理商臧否從無香山詩非是相辜  
負騁遊吾未遑茲來亦其偶

讀書

時雨既霑足園林清且幽麥畦含潤佳藥欄生香稠三

農均豫悅而我稍解愁解愁夫何為惜此寸陰適檐楹  
垂珠箔枕簟涼如秋插架富圖書義蘊供探搜汲古仰  
前哲孜孜不肯休矧予乃下學安敢弛厥修文武道在  
人德行速置郵斯民三代民胡日趨佻偷欲期教化行  
先裕衣食謀展轉成寢薪歲月不我留把卷發深省懼  
貽空言羞

西海泛舟因至玉泉山

輕雲鱗碧空蕩暄朝爽湊湖山靜且嘉草木含芳秀小

舳泛西海西峰如在圍招提隱岩阿金彩樹間透沿流  
試尋探玉泉宛相就是時新雨後活活湧銀溜拖為綺  
縠紋激作珠玉漱猶疑天上雲飛自石邊竇山鳥何間  
關林陰亦濃茂郊圻一騁望綠疇如錯繡憂旱心稍釋  
此焉遣清晝

御門日方與大學士等慮及山東河南尚未得雨  
而山東報得雨之奏適至喜而有作

忝繼百王後俯臨三代民民天實予責詎以遠近分所

期赤寓內比戶利耕耘耕九而餘三庶免溝壑淪幅員  
既以廣大造安能均澤國正思暘山田猶望雲誠哉天  
地大不能無憾人緬想畿輔間待澍當杪春早曠雖未  
形憂心已如熏旋得尺澤甘解予愁緒紛麥秋轉可望  
良苗爭懷新爽氣來軒除几席清無塵豈其慰目前忘  
彼齊與陳東郊需一犁午夜縈懷頻惟茲共時亮二三  
休休臣負宸咨綢繆肯惜司農緡忽接方伯章降康知  
自旻泰山雨崇朝汶泗波粼粼乃知得禾書誌喜良有



因誰無望蜀念展轉生戚欣尚慮鶉火墟此日膏有屯  
射

燕角勁而柔楚棘直且長值此萬幾暇學彼六藝良風  
日散清淑佳蔭含微涼虎賁三千人掄材盡鷹揚鹿正  
依法設繁弱亦已張觀德誠在此為仁良可方伊余有  
會心圖治思興唐文皇譬脉理慄慄懷幾康三復凜載  
舟數載徒望洋

捕鱧鯉有懷

鯉鯉之名見於小雅魚麗鯉即俗所謂黑魚鯉即鮎  
魚蓋鱗屬中最賤且惡之種而捕之則甚難觸目興懷  
亦有所託云

澹沼植菱芡圍以陂與塘澄流深且濶鱗屬恣潛藏在  
淵日以久美惡類繁昌一朝事搜捕欲去其莠稂惟此  
鯉鯉種如彼獸中狼君子所不食

見韓詩外傳

太液安可容

叶况食其比倫鯉鯉胥被戕獨恨頑惡流偏足趨避方  
網留既難獲竿絲亦弗上

叶

有人謂余言魚居水中央

截源涸其波彼醜安逃亡依策試為之重施隄與防鱧  
鱣伏汙泥所陳鯊鱧魴是謂思去惡反為善類殃世事  
有如此對之增慨慷

熱

昔余究元理心地足清涼朱明任歆蒸一室如禪房茲  
余塵民瘼視民恒如傷時維暑雨候怨咨豈能忘炎氣  
當亭午盾日方熾昌念彼壠畝間曝背正耘秧茅簷蠶  
事急經緯忙吳娘蘊隆非所憚勤劬實可臧豈無九重

居廣厦簾垂湘水盤與雪簾漱澹翻寒光展轉苦煩熱  
心在黔黎旁日夕思其艱怵惕不敢康安能物外遊逍  
遙學蒙莊

夏日遊香山二首

暄暑思清涼暫憇招提境茂陰連窮岡迴風來複嶺松  
篁何瀟灑石泉弄澄冷妙高堂名真妙高几席幽且靜窻  
前老虬枝童童盤碧影塵念既云歇禪心亦以屏適然何  
依著付與閒雲領

重基占佳勝一覽富萬概雨後朝爽湊豁豁新染黛高樓俯碧川烟雲呈變態檐樹綠婆娑砌花紅瑣碎遊心竹素園匪慕須彌芥支公價誠論白傅山今賣

懷柔縣行宮對月

當秋玉輪皎况將臨望夕高空無纖雲銀河寫修白而我因上陵王路此于役行宮隣古縣晚景歸吟撫轅門息葆吹蘭鐙倚畫戟愛此清宵佳對彼涼蟾碧蒼松韻金籟徘徊泛瑤席秋英何盈盈啼蛩紛唧唧次寥良足

欣襟懷增暢適誰復尋前題俯仰論今昔

臨白河

密雲古雄郡山川何壯哉白河襟其右圓流多洑洄野  
花夾岸紅中泓鏡影開是時秋漲過波聲猶喧豗豈能  
駕虹橋臨渡且徘徊因知投鞭言侈志禍之媒駢舟作  
輿梁橫陳榆柳材力作爾毋亟非為遊觀來

觀荷

我從御園來荷花半彫殘此地乃關外荷花正新鮮離

宮愁征轡鏡浦迴遊船鵲鵲時出沒遠峰入清澗香籟  
拂我旁霞錦輝我前俯朶如欲訴傾珠學涕洟仰花似  
開靨對客呈笑顏朔塞多嚴風花事應早闌是荷婀娜  
姿詎能全其天或云惜芳菲留與詩人觀或云開較遲  
夏仲方田田晚榮亦晚枯至理然乎然

聞近京一帶得雨喜而有作

行旅慮久霖跋涉沾塗泥南畝種麥人方望秋雨滋自  
我始于役二旬已有奇未遭滂沱苦率遇晴霽宜豈不

利輜重中心有所思思彼壠畝間來牟正其時亢暘土  
脈乾耰鋤將安施忽覽封章奏膏澤自天垂四郊一犁  
雨雨公還及私良農既不悞塞路仍如茲雨暘各適可  
孰非大造貽懸懸差已慰芄芄猶可期迴鑾歷綠疇應  
有喜農詩

夜雨

塞山能作雲峰頭幾縷布有滄始萋萋如絲肖霏霧數  
日苦塵壒喜此甘膏澍濕潤忽被野延綿乃入暮牧馬



聲漸息啼蛩乍如訴欹枕聽淅瀝曠懷良可賦丙夜漏  
點闌微見星河露明朝發征鞍清切秋烟路

對月思唐太宗遼城望月事即用其韻

隴得復望蜀徵去尚存碣誰能效舜階繽紛干羽綴今  
月猶古月千秋何盈缺壯志想當年萋萋烟草結情因  
寥宇寄光向疎林滅

冬夜閒吟

良夜漸添長斗杓亦旋北旌門笳吹奏大野人聲息歸

轡辭潘陽乘輿指京國  
羶廬坐閒窓可愛新月色  
差無塵念縈微覺輕寒  
逼關山巡閱多歷歷皆  
堪憶揚鸞和鈴中玉律  
忽已易悠悠今古人趁  
此駒過隙百年詎云久  
寸陰實可惜際茲清宵  
佳況對寒蟾碧金鴨已  
結篆銀檠半折墜却似  
去冬夜梅香遞宣席所  
志嗟無成可學曾何得  
惟餘此初心時時自兢  
惕

再題澄海樓壁

我有一勺水瀉為東滄溟  
無今亦無古不減亦不盈  
臘

雪難為白秋旻差共青百川歸茹納習坎惟心亨却笑  
祖龍癡鞭石求蓬瀛誰能望天倪與汝共濯清

見耕者

揚鸞鳴和鈴芳郊經迤邐是時春將仲盎然風物美服  
土既已滋于焉農舉趾烏犍耕曉烟枯棹轉新水携筐  
播嘉種曰糜芑拒枉徂畛侯主伯課業惟孫子有來思  
媚婦餉之用二簋停輿一問之所言良有以賦性質且  
芑難為韋帶士况彼勞青燈豈易拾金紫欲為工賈流

近利吾所恥所以四民中惟農良莫比土物誠可愛世  
世恒守此當春南畝蘇修我耒與耜惟祈雨暘若倉箱  
還可擬

御園親耕

皇考時屢行之當春舉趾茲惟其時率循舊章並勸良  
農觸景興懷點筆成什

姬周肇豳岐所勤惟穡事愛土物心臧八百基由是叶  
言考三代旋開國非一致豈無仁民君務農姑且置我

朝得天下馬上塞旗幟創武守以文耕稼尤留意

皇祖繪為圖種穫編次第

皇考耕藉田歲歲禾雙穗謂是御園中朝暮便親視

叶

况匪司農掌毋庸甸人治近驗雨暘時遙為倉廩備小  
子承

遺教深懼德弗嗣民天念在茲敢懈肯播志時云暮春

初修我耒與耜

叶

穀種備青箱服犁曰黃犢既耕亦既

種時雨仰

天賜詎止勸良農子弟示勿替

心遠閣作

春穀未播種秋麥纔抽穎食乃民命關吾宜為祈請明  
神靡不宗况茲受靈境何須玉帛陳一裘萬營屏未瞻  
膚寸合轉覺吹萬猛信矣誠未孚怒如憂益炳稍憇心  
遠閣遙望東南頃題句憶舊年綠雲正井井

春懷詩

漾溼南入江豈復西為漢朱輪墜桑榆詎返東而旦四

時均易逝三春更難絆九十忽云過青韶亦已晏落英  
紅貼波輕棉白堆案關關南來鶯遙遙北去雁萋萋茸  
砌陰陰樹隱岸怛然意靡寧遑樂清閒宴繫我非傷春  
所慮隴畝畔枯壤久待澤終風日益扇播種惟茲時過  
候饑將臻何辜兮吾民涼德增醜面那無補苴策濟少  
而漏半披衣立宵宇明星方爛爛繁慮賡長吟聊用攄  
三嘆

進宮見路旁麥苗待澤孔亟秋禾尚未布種怒焉

有憂賦以自答

聞人亦有言甲子鮮豐歲彼媿媿者流復舉史所記云  
堯湯水旱匪為聖德累此論信然乎試思君所司周官  
設三公尚有變理寄矧予實元首休咎徵所致寰宇雖  
恢擴遐邇均在意耕九未餘三安得稱有備我自去冬  
半顛望三白瑞亦知時尚遙念念頻縈繫侵尋春徂夏  
益覺秋難置憑輿歷枯壤終風動氛翳麥苗將萎黃穀  
種遲布地此責竟誰諉此災皆予戾忸怩對百工不啻



陳六事短什用自咎訟語無倫次

湯泉荷花

暖溜饒地靈勝似遠公社芙蓉綻清和不待朱明夏女  
夷有私鑄相爭木奴冶裊風散芳馨照日含嬌姹却讓  
別浦荷盈盈秋露瀉早盛亦速零寄語附炎者

詣香山禱雨疊舊作初遊香山詩韻

客歲歷招提相隔倏已久赤帝司南方清和斯夏首來  
牟秋已歉布穀時恐後惟民命繫茲恃以餬其口蜥蜴

竟難致空復驗蚪蚪我聞神所安率在深林藪是地有  
靈潭母乃蒼龍守但祈溥膏澤屈禮吾何有播之未棲  
田耘之安容手步禱攀烟蘿遑計磴道陡霑衣汗已淋  
舉袂風颺垢飛廉下元冥轟若雷應吼大士慈悲心甘  
露灑楊柳湏臾遍九垓枯槁蘇東畝旋憇來青軒為啓  
來青牖昨夏喜農時草書懸壁右對之自忸怩不待他  
人醜見理既未確觸物皆成誘返已試品評臧少而多  
否率此致咎徵詎是明神負敢期雨必零尚會雲相偶

秋夜泛湖賦唐文皇爽氣澄蘭沼之句得詩五首

依韻為次

徂雲淨碧天金颼蕩輕爽入夕幾務閒玩此虛明象  
崇舟穩如屋鑑浦平於掌賦詩思其人高山予所仰

琴書樂有餘天水涵無既咽露蛩語饒橫霜鴈聲未四  
時皆有月獨以秋為貴歷歷翠錦堤遞遞芬陀氣

鏡裏坐空澄渺然思與凝竭來青雀舫愛此玉壺冰衣  
袂皆無滓胸懷亦絕勝蓬瀛原不遠咫尺有人登

遙疑霞有脚却過蓼花灘  
蟬韻將辭柳荷香尚賽蘭  
晚山歸靜寄秋月本澄觀  
稍遠清閒宴匪尋長夜歡  
讓月雲歸岫報秋波澈沼  
將圓未滿規歷漢常移秒  
此夕夫如何萬里明未了  
姮娥憶貞觀不改天心皎

七月二十八日恭奉

皇太后進宮路旁禾黍與與入  
覽欣此西成稍紓望歲  
賦詩誌喜亦歌其事也

食人食於人事殊心則同較課  
雨與晴均此望歲功憶

我春夏交雲漢歌  
蘊隆殷憂厯

慈寧步禱誠乃通  
東阡霑霖霑南畝  
紓蟲蟲起枯而蘇  
槁額手感彼

穹朝穰飽玉露午  
顆搖金風高原與  
下隰一例皆芄芃  
有秋竟可企非余  
忖度中奉侍

大安輿欣覽穠叢

一笑慈顏豫信可  
慰予衰賦詩誌農  
要匪為誇年豐

南紅門池上咏

昔來池上遊春日方載陽今來池上遊蒹葭已蒼蒼逝  
者誠如斯因悟往未嘗吹波鯉魚風垂垂蓼影長漁歌  
起烟外鷗波漱河梁清濁誰致然有懷彼滄浪

盆菊


塗龜寧曳尾不慕藏廊廟山木寧棲崖青黃非所好黃  
華隱逸材個儻寡同調卉譜偶傳名藝苑誰能貌花師  
鮮法眼視比春葩耀杯水引滋溉圓盆作幽隩枝幹受  
束縛猶謂人工妙杞柳為栝棬戕賊豈伊樂繩墨厥天

然俯仰任其詔垂頭綻冷芳恐被柴桑笑剪翹來孤鶴  
引吭一相弔

順義縣行宮作

將為田盤行趣此秋成閒旌麾歷冀野輪蹄背湯泉朝  
暾散晏溫入我輿惟暄塗霜帶冷白坂花垂紫殷枯樹  
雀飛飛廣陌兔爰爰芻棚隱茅落罷喘牛高眠困鹿戶  
有積室家幸苟完所見扶鳩翁尚鮮怨初寒由來歲功  
成降康端自天行宮建勝地樹石誠有年葺新成此日

止頓因路便匪誇棟有芝詎必池茁蓮記我書室名是  
處欣隨安明牕受暖曦市語隔煩喧染翰藻思抒習靜  
道心存愜適以為佳奚必居深山



皇清文穎卷首二十



欽定四庫全書

集部  
皇清文頴卷二十一

詳校官檢討 臣 朱衣炁

主事銜 臣 徐以坤 覆勘

覆校官中書 臣 田尹衡

校對官監丞 臣 侍朝

謄錄監生 臣 李大綬

欽定四庫全書

皇清文頤卷首二十一

御製詩

七言古詩

銅鼓歌

雍正庚戌秋九月廣西撫臣金鉷進銅鼓一云民間  
鑿田所得名諸葛鼓相傳諸葛亮以鼓鎮蠻云因歌  
以紀之

赤帝失御火不燭冠以苴履翻坤乾靖王後裔英且賢  
慨然奮義振中原南陽之藪臥龍蟠下車三顧意何虔  
龍飛雲路見在田君臣相得魚水歡東使吳會騁辨言  
八十萬衆成灰烟西入益州莫本根鼎足峙立固且完  
永安宮裏龍髯攀調和官府整而閑命師南指定獍頑  
七擒七縱服諸蠻鑄銅成鼓永鎮旃風雨侵蝕年復年  
數易時代陵谷遷下巢蚯蚓隣黃泉照臨無復資魄淵  
濡潤還沾雨露偏崇鼎貫鼎增爛斑獨於厚地全其天

由來奇物終播宣一朝光氣騰荒阡施厥畚鍤瓦礫翻  
有聲鞀鞀非絃絃宛然銅鼓形不刊洗剔苔蘚光澤鮮  
驚看老幼何喧闐大吏表進

九重前為陳檀案撤包氊聚觀羣下充庭軒試加擊伐  
聲噶噶大鵬搏風長鯨噴上有四蛤猗猗蹲旁有雙耳  
綬色溫龜紋虬篆隱隱存覆之黃練加束純方今

舜目闢四門兩間並獻貞符繁不誇寶鼎出河汾詎數  
劍氣沖斗躔我聞置鼓召諫臣訪察民隱牧元元此應

其兆無乃然坐見讜議日聯翩鏞鐘大叩張宮懸

讀司馬溫公諫院題名記

豐碑聳立高尋尺銀鉤鐵畫生光澤纍纍若若同時榮  
莫混賢姦一片石天風凜烈護剛堅表列生平勝竹帛  
他年元祐鉤黨臣義形石工傳安民豈知後世翻寶愛  
幾與諫院題名鄰君不見山可礪兮河可帶桑田滄海  
還相代此名一留不復敗

自鳴鐘

扶桑日出海門紅大秦西洋颺景風懸橦度索底貢同  
於皇聲教敷天通梯航山海來朝宗厥獻奇物自鳴鐘  
銅輪鐵絃凡幾重機軸循環運其中應時滴響聲容  
挈壺無所施其功精巧絕倫疑鬼工倭班流汗難追踪  
異哉茲物無始終週歷晝夜春與冬懸置几上勝金鏞  
晚報日昃曉嶠東我聞寶賢寶物雖不同咸賓亦足效  
球共考時定律佐三農此鐘之利貽無窮

題宋宣和清明上河圖用駱賓王帝京篇韻

大禹敷水土導河過龍門潏決萬里間卓為羣瀆尊流  
經積石走函谷東過洛汭繞甸服土中自古稱洛都襟  
帶山河雄地軸維昔宣和全盛時寒食初過一百六澹  
烟輕雨清明天踏青歲歲侈華屋華屋朱樓金闕隈千  
門萬戶天邊開飛花香滿宜春苑稱觴獻壽柏梁臺佩  
響千官入山呼萬眾來簪裾艷文藻雲漢儼昭回梯航  
萬里至輻輳日中市綺縠揚粉袂連袂如雲起柳陰暗  
沙堤花光明御水寶蓋蔡京車高牙童貫里中樞甲第

起崇墉相國高堂列鼓鐘  
道君禮樂三千盛  
孱國山川百二重  
春入上林迎旭日  
雲開水殿躍飛龍  
龍樓鳳閣相輝映  
山城鼓吹春遊盛  
春遊處處多貴臣  
青驄駟車  
麟麟明月樓中邀上客  
紫薇花下宴嘉賓  
滿堂珠履珍羞錯  
從容款曲金蘭親  
斜陽返照天欲暮  
汴水橋邊車馬度  
橋邊街市何喧闐  
萬貨千商夾道路  
路旁桃李紛芳菲  
遊人雜還白馬肥  
朝催玉勒花間去  
暮拂金鞭柳岸歸  
頗厭錦繡服  
新裁白紵衣  
劇孟風未峻  
郭解力



猶微平生但言憑義氣捨身許友未覺非郊畿靄靄帶  
晴雲稻田桑圃望中分村墟景象多幽趣點綴虫虫忘  
帝勲婦子嬉無節長幼略無文常樂昇平烽火息霸陵  
閒却故將軍柳堤遊客艤船待一櫂輕移山勢改媽紅  
粉白夾岸嬌蘭橈畫舫中流在中流競渡各紛馳渡口  
魚磯疊石為更有一川風景別身在蓬萊自不知蓬萊  
宮殿何繁華瑤島瓊臺入坐賒仙人爐煉長生藥羽客  
丹成九轉砂靈素作安期遺我棗如瓜驅山走海丹青

變筆底烟雲紙上見神思妙藝出清新偶然展軸驚萬人巧瞻奪天工結構含精氣遠過顧虎頭不數陸仙尉仇子此卷何為哉燕雀嬉嬉畫裏來驅鄰自召強鄰侮繁華侈泰禍之媒牛車俛首受縛去冰天雪窖嗟徘徊即今歌舞地花發為誰開空留遺跡在憑弔費詩才

德壽寺古鼎歌

龍宮巍巍紫氣軒輝耀棟甍煥崇垣寺名德壽菴羅園刹竿高掛珊瑚旛停鞭卸轡山門前一滴欲尋曹溪源

東瞻紫霧明朝暎  
清涼頓覺隔塵喧  
香浮寶殿謁世尊  
兀然古鼎吐雲烟  
何人鎔冶工雕鐫  
金翠斑斕歷歲年  
上文雷回下雲紘  
猊狀類獅子蹲  
籀書斯篆跡難分  
世次那辨癸與辛  
蚪蚪盤屈蛟龍奔  
周彝虞敦恍猶存  
葆精凝潤疑瓊璫  
寒光欲流不可捫  
日月照射輪朝昏  
洗濯全資雨露恩  
在昔盛事傳橫汾  
此鼎神異邁等倫  
我欲負之千蹄健  
移向帝闕鎮厚坤  
充以大武佐魚豚  
萬斤木火為之燔  
有實大亨養聖賢

望雪行

今年三冬未見雪同雲苦被風吹散夜觀望舒如鏡明  
曉看翔陽似冰潔秋麥全資冬雪培遙識農家望歲切  
我聞三白兆豐年望霰先集心如結上帝穹窿坐玉京  
青女滕六分行列如何不一駕雲車試剪飛瓊噴玉屑  
飄飄灑灑頃刻間利我三農都喜悅

春蔬

春融地氣如膏滑一畦烟甲隨雷發檐前小鳥喚春眠

裹露攜籃勤采掇早韭初松紛列盤清芬細嚼冰齒寒  
淡泊有味取次領旦晚為爾還加餐君不見一食千金  
丞相府猶說區區難下箸

雨前茶

穀雨前春雷後色染鶯黃新上柳携籠男婦谿山走  
試采茶三昧手日烘山腰暖碧雲槍旗半吐搖酣春賣  
與商人博衣食徒勞曾未沾其唇伊予品泉逸興賒暇  
罷還憶貧民家新絲新穀都已賣即今又賣新芽茶

有鳥二十章

孔子教小子曰詩可以興又曰多識於鳥獸草木之名鳥獸草木中觸我性情有興機焉若徒追琢字句強裁聲韻烏可與言詩哉唐元微之作有鳥二十章備載鷓鴣老烏諸惡鳥之可憎雖疾世之憤辭然不失三百詩人之旨予讀而慕之倣其體亦成二十章所詠者皆鳳凰鷓鴣鷺諸名禽微之以刺而示戒予以美而示勸其有助於性情一也至於風格之高錘鍊

之雅予固未能及古人觀者取其意而略其辭焉

有鳥有鳥百鳥王雄為鳳兮雌為凰朝棲崑圃飲玉露  
夕宿蓬島餐琳瑯九苞六德耀文明恢恢天宇恣翱翔  
厥惟聖人修至德來巢阿閣呈嘉祥藹藹吉士馳王路  
千秋萬載邦家光

有鳥有鳥名朱鷺波靜昆明常顧步漢鼓曾標樂府聲  
周舞亦載詩人賦振振有序羽翮聯和鳴未許雜孤鶩  
玉筍班中識爾名由來博得人人慕

有鳥有鳥雙鴛鴦接翼交頸遊方塘共宿蘭沼何容與  
同飛鏡浦相迴翔若有人兮翠袖裳思夫君兮天一方  
春朝步兮春池旁覩佳禽兮增慨慷

有鳥有鳥在水滸飛鳴行搖如相語如相語相急難相  
急難兮食不安遠羅網兮泛清瀾啄蘆頭兮心共閒君  
不見悌有鵲鵲孝有烏人稟秀靈如不如

有鳥有鳥聲緡蠻遷喬求友出谷間楚楚金衣綠陰裏  
諧鳴玉管叫春闌高齋日午簾幙悄側耳徐聽音未了



生平不少素心人關山迢遞予懷渺

有鳥有鳥曰靈鵲羽族本天似先覺但不告憂惟告樂  
惠迪則吉宜忖度憑茲作喜易舛錯鳥智人愚非見謔  
有鳥有鳥名布穀高喚枝頭村柳綠村老聞聲急荷鋤  
趁時耕作還相勗東隣西舍催耕遍喉吻苦乾飲水曲  
不似籠中雙畫眉巧言但博主人肉

有鳥有鳥枝上啼啼聲風送到深閨聲聲催織當春日  
織女聽罷顰雙眉飽蠶方作繭那易成新絲新絲還要

賣匹帛安可期我願拖綾曳錦者常念茆簷忍凍時  
有鳥有鳥如輕舟毛衣皓潔名沙鷗穩宿洞庭秋夜月  
間泛瀟湘烟水流將雛命侶頗自得對爾還似逍遙遊  
有鳥有鳥名鴻鴈秋去春來期不變成羣飲宿向沙洲  
蘆葦蕭騷波瀲灩古人重爾信義敦嘉禮親迎用致奠  
如何世人轉不如糟糠富貴分欣厭

有鳥有鳥雄將雛雛兒聲溢學母呼墮上風搖麥浪綠  
引雛拾蟲却相逐大堤年少挾金丸見雛此意不肯彈

彈雉雛兒誰為哺彈雛却憐雉心寒収弓擲丸不復看

有鳥有鳥慈烏鴉飛集庭樹聲啞啞聲啞啞引其雛羽  
毛翩翩尾畢逋尾畢逋雛亦長烏老更借其雛養母為  
慈兮子為孝禽鳥亦識人之道

有鳥有鳥清秋隼獨韻金風利爪勁氣猙獰似駿驄  
眼疾身輕雙翅敏晴臯一下萬山青狐兔燕雀藏伏盡  
有鳥有鳥名黃鵠軒軒霞舉超凡俗矯翩翩躩來玉京  
却向太液池邊浴隨仙去後空餘樓入琴彈罷猶思曲

冥冥灝氣恣翱翔引我欲窮千里目

有鳥有鳥雲錦文巴山靈禽夙所聞的的彩色映日麗  
煌煌繪羽翻風新奇姿藻耀欺凡鳥雕籠飲啄為君老  
却勝埒頭村鷄鳴瘦立風霜報天曉

有鳥有鳥呈符瑞援毫作歌紀其事伊昔明皇即位初  
貝州飛蝗害苗穗乃有白鳥凡數千一一喙啄蝗盡斃  
當時姚宋作相公調和變理稱郅治開元天寶易治亂  
玉妃擅寵昭陽殿祿山食人如食禾嗟此蝗方可若何

安得白鳥大如蓋食此蝗兮安內外

有鳥有鳥志不移啣石填海無已時海却何時滿石亦  
何時斷但見羽毛禿兀爪喙疲咄哉汝鳥尚有志人而  
無志鳥所嗤

有鳥有鳥雙白鵬清秋玉立荪蒲灘踏波緩舞藻文動  
澄流照影翩珊珊性情高潔如其色自首至尾無點黑  
俗眼欲看者不得

有鳥有鳥金翠斑厥名孔雀產巴山產巴山來帝里屏

張藻耀文明起羽儀為國獻嘉祥不甘戢翼巖阿裏  
有鳥有鳥雲間鶴萬年枝上欣所託勁羽梳風意態孤  
清聲韻月響深壑常伴仙家丹鼎烟不慮虞人施矰繳  
有時灑翮一高飛迢迢天路翔寥廓

觀刈麥

麥苗入夏結穗黃東壠西壠碩且長老農此日走田忙  
腰鎌遍割樂歲穰笑看黃雲各成片密莖隨手行行亂  
肩挑背負曬簷頭饘粥有餘他不羨呼兒莫逐飛來雀

令渠亦識收成樂

擬杜工部洗兵馬行

長雲不隱關山月  
沙漠龍堆多戍卒  
壯士橫戈古戰場  
將軍飲馬長城窟  
長城水寒馬不嘶  
刀環入夢多歸思  
少婦樓頭咽橫笛  
一聲秋韻臨秋吹  
吹笛聲高復聲下  
驚起匡牀高臥者  
側身吟望興咨嗟  
向天長歌洗兵馬  
謂天蓋高聽自卑  
電光倏忽雷車馳  
雲師雨伯揚青旗  
陰昆水族功並施  
盆傾瓶注遐邇滋  
洗盡塵氛永息師

男歸其家婦育兒九州安堵樂雍熙壯士勇力亦奚為  
欲挽天河安用之

夜臥聽雨憶平郡王

朱明屆候天方永如烘暑氣焦塵境座間揮扇手欲疲  
林下乘風吹不冷今朝一雨洗煩囂入夜濛濛萬綠靜  
楊柳陰中罷暮蟬梧桐枝上收清影時有匡牀高卧人  
一杯芳潤澆苦茗夜涼霜簟好安眠芭蕉響滴殘夢醒  
醒後悠悠動遠思思在龍堆連雪嶺如心居士在軍營



年來王事勞馳騁即此清涼夜雨秋行帳殘燈懸耿耿  
天心仁愛當偃師坐看絕塞狼烟靖百萬健兒歸故鄉  
淨洗兵戈只俄頃猶憶去年烟雨中綠簑共泛滄波艇  
清宵蝶夢亦偶然人生何必歎浮梗借有好風吹送詩  
知君應在三秋領

豐碑行

夕陽返照輝道周驅車古路西風秋路旁豐碑何其稠  
森森插笏盤龍虬誰能細考姓氏留但聞土民說所由

明代貂璫威福擅司禮還兼御馬園秉筆曾標封事題  
內操更教昆明戰沒後養子不掃墳羣埋此地多無算  
當時威燄劇熏人只今草掩流螢亂我聞此語識興亡  
秦漢唐宋皆殷監私暱何曾念履霜竊權頓令愁飛霰  
勒石猶誇爵里高千年青史誰能逃辛勤汗馬創業勞  
大半拋擲由若曹

見桃樹下栽松感而有作

園中種樹羣芳滋幾年榮長紛蕨蕤或列山側或傍池

同蒙雨露爭參差阿誰位置失其宜山桃下植青松枝  
蜿蜒未放拏空竒甘爲翁蔽嗟何辭春日抽條綠葉披  
勢高獨占陽和私蔥龍待到歲寒遲吁哉已過煦嫗時  
我欲借問場圃師種植顛倒意何為青松磊落龍鳳儀  
山桃弱質人所嗤胡居松上茂蔭垂因循坐令虬枝萎  
自古論才還若茲坐對感慨抒幽思安得橐駝妙手移  
或棄山桃付芟夷良材俾沐三春曦他年梁棟誠堪期

同五弟月夜舟歸

湖波潏灩當秋澄一輪寒浸秋月明上下清光星斗燦  
輕舸打槳中流行萬籟閒寂天在水蘆葦點點飛流螢  
長空沈寥堪妙會鴈行拈韻欣同賡詩成泊岸松窓臥  
還聽沿階蟋蟀鳴

秋浦泛舟

西風拂水烟波綠櫂過寒溪三四曲采采蒹葭颭白花  
臨流驚起雙鷗浴雙鷗忽入芰荷叢可憐寂寞餘殘紅  
錦帆畫舫披薰風猶憶競渡誇天中轉眼秋湖明似鏡

雲山倒影澄波靜岸柳寥蕭咽晚蟬艤舟月掛孤篷正  
法海寺題壁

百年蘭若雲封戶山僧靜坐絕往還我來杖策尋幽勝  
啾啾山鳥鳴空山欲落未落楓葉赤乍斷乍續秋雲間  
烟蘿石徑歸路杳孤月已上臨禪關

題秋山行旅圖

疎林葉落羊腸繞淒涼旅况燕山道馬蹄踏月人影斜  
炊烟未散霜花曉世人名利紛勞勞空教驚起棲枝鳥

題王諤豐年農慶圖

金颺蕭蕭楓葉落  
高空爽氣橫寥廓  
如雲多稼漸登場  
歡騰西墅連東郭  
白鷺下水烏犍閒  
池田波靜流潺湲  
秋原稂穗雜黃紫  
乍似春回萬井間  
割豚烹魚為翁壽  
新梁炊飯香噴口  
三時拮据豈徒勞  
共喜西成獲大有  
弱婦房中自理機  
砌蛩唧唧催寒閨  
可知衣食生民切  
辛苦終年無已時

初夏日聞鶯

雨餘新綠林初鎖風傳曉睨聲聲可臨流度陌弄晴暉  
柳絲花片紛婀娜何處傷春不忍聽誰人求友最關情  
雙柑斗酒兩無賴繁絲孤竹空復鳴參差流韻紗窗綠  
金猊半爇蘭烟馥想見茆檐力穡人當作村頭呼布穀  
瀛臺木變石歌倣李長吉體

大山穹谷崇且盤山頭鶴駐曾棲仙岑巒嶇嶇扶孱顏  
金堂玉室相鈎連雲興霞蔚吐紫烟含囊靈瑞如陶甄  
靈林冥冥冠其巔其幽叢雜多桂蘭是為天宇宅天男

乃有異木鎮厚坤  
虬菴杜松非其倫  
蔽虧天日無朝昏  
為舟十數皆其孫  
匠石却顧持斧奔  
水龍噴泉沃厥根  
啼蛄吊月星漏痕  
千雲負霜枝曲卷  
靈鷲振翅毛羽鮮  
老桂漫誇異質眠  
白榆空足沈郎錢  
櫛櫛銀雲車蓋翩  
掛以雙丸繞龜淵  
壽比散木已有年  
女夷不敢司厥權  
付之圓蓋全其天  
枝離幻作秦女馬  
會觀木石茲同壇  
為髮為身一體全  
亭亭傑豎無比肩  
暖春生玉疑藍田  
磷磷爛爛出五源  
女媧煉石茲尚存  
傍林插巖絕攀援



奇疆詎妨山溜穿五丁不可奪其堅端州石工安足論  
移來曾受海神鞭五車能上束馬牽都下傾城咸厭觀  
方壺蓬島資盟桓辭山不戀山木繁瓊臺璿室何丸丸  
果愚風叫露掌寒漢唐池館今依然為薪非火悟火傳

蓼花紅

蓼花紅蘆花白緋桃雪梨無顏色草木芳榮各有時韶  
華一去不復追君不見大禹惜陰爭一寸吁嗟老大將  
何為

關山月

關山月秋倍明塞楓磧草涼颼生皎皎懸空漠海白沙  
蛩霜鴈寒聲并關山月今異昔烽烟久靖田疇闢不似  
當年戍卒憶家鄉亦或戰場覆沒孤魂魄關山月昔異  
今即今秋蒐乘興惟閒吟前車堪作後車鑒持盈保泰  
惕予心

熱

朱明遲度丹霄上萬籟無聲靜芬響暑氣生侵玳瑁牀

涼颼不到文羅幌砌裂苔紋破篆痕戶饒梅潤濕柱磔  
生憎蟬嘒聒耳煩况復鳩鳴懸念想豈無沈李與浮瓜  
園林坐啓層軒敞念彼公田待澤久耕犁未舉將生莽  
笠底老農畏赫曦冰壺那忍獨延爽吁嗟又復夏云半  
宵瞻雲漢徒首仰側聞上蒼心好生解澤詎久遲長養  
扶桑湧現火輪紅夜以繼日勞悵快錦樣三春忽忽過  
炎炎永晝薰風盪何能習靜學禪師丈室安心息紛攘

望法海寺

雨後西山翠如洗嵐光浮座秀尺咫似聞鐘磬林外鳴  
常有雲烟峯半起就中法海古精藍曾遊記得禪關美  
風憂松筠紛筭筌霜酣檨柏垂紅紫旋開寶殿鎖琅璫  
法王獅子座虔瞻禮偶然遊戲探曹溪山僧為我參一指  
今朝望裏試重尋昔猶非昔今豈是眺遠閣中一覽時  
舊遊法海寺有却供眺遠閣一覽餘清省之句由來不隔彼與此

耘田者

老農災背耘田苗汗濕田土如流膏廣庭揮扇猶嫌暑

彼何為兮獨不苦獨不苦兮無奈何未見應比見者多  
農兮農兮良苦辛慙媿身為玉食人

神仙引

騎龍曉赴三清朝翱翔紫府偕佺僊東遊海上喚太真  
重舞霓裳按六么黃鶴赤鸞棲瑤圃神之君兮翩來下

叶

一聲長嘯萬竅風幾迴灑涕三秋雨俯視齊州十三  
點滄桑屢變增吁感壺中日月不堂堂洞口春光亦冉  
冉瑤為堦兮金為室中有至人不可識若把貧嗔癡念

求秦皇漢武求應得

閶闔篇

誅蕩天門黃道開層城十二光回回祥風吹扇旭影來  
兩兩列宿排三台五雲耀彩春徘徊迎薰豁達徹九垓  
予心如是思深哉無所隱蔽宇量恢出入登進惟賢才

題郭河陽雪山行旅圖

天娥快剪剪薄紈瓊華一夜繡萬巒臨風玉樹枝簇攢  
大地變作銀界觀凍峽千尺白龍蟠濺壁大小皆珠丸

崕岬截業那可攀刺有羊腸路屈盤誰歟馬背凌兢寒  
羸僕皴瘡猶堪憐溪橋滑刺手足摩冷風吹揭墊角冠  
名利子也何足歎谷迴路轉茅屋連茅屋有客疑袁安  
披卷笑傲忘朝餐嚴威栗烈不可干河陽此法摹范寬  
當前勞逸憑君看

秋夕南紅門行宮對月

去歲龍沙試秋獮關山月色閒吟遣今宵桂魄還分明  
離宮照我無限情誰知幾缺復幾圓暗換今年與去年

去年月即今年月何必視昔空悵然白露灑灑衣袂冷  
倚楹相對忘懷永

鑿冰放舟

春入湖心冰力弱東風料峭何曾著

諺云春風著人不著水

鏡掩

鸞光黯欲迷璧剖羊脂分來薄碌碌冰牀聲已收中流  
遲放飛鳬舟零澌碎凍不可亂亭臺寂寞榜人愁齊趁  
午晴呼什侶曲鉤利戟長柄杵截方裁角片片瑩撐來  
仍向冰中貯忽疑銀浦泛瓊珂錦帆飛過太液波不比



凌人載周禮還如漢使窮天河鑿冰已過二之日匪納  
謫門典何出朝寒仍復結琉璃侵晨工作衝嚴慄吁嗟  
黃頭効勤良可嘆瘡手皸足不忍看自今欲戒游觀興  
瑤編獨對心神瑩

花朝無花之作

昨歲花朝花燦爛今年花朝花信慢曉來佳節正春中  
忽見花旛綴別院瑤華琪樹相鮮新嫣紅姹紫枝頭綢  
坐令女夷增光輝何須剪綵陳家媛韶華透漏已如茲

高閣丁丁報銀箭莫嗟畹園少芳菲會看紛紛亂如霰

### 十駿圖歌

羣空冀北星輝房天閑十二有驪黃赤汗流赭太一况

叶就中最數萬吉驕龍顥鳳聳誠昂藏驂騑闕虎威武

揚四蹄腕踣騰康莊玉獅子貢自法王超拔躡景馳晻

上叶花間敲句移銀牀俊逸尤讓霹靂驤權奇倣儻孰

能方龍沙一馳殪千狼是為渥洼產中良雪點鵬臂三

冬涼狐兔奔避雉雀惶有驕有驕自在名叶朝駑蜀越

夕齊梁徒傳魯牧駟有皇奔霄荏鐵駛異常不須鞭策  
追星芒赤花鷹來宛宛鄉岳落獨步驥子英叶翩翩鸞  
鳳雲中翔簫雲之駛馴且剛百里底用宿舂糧嗟予無  
德御萬邦肯學八駿窮八荒慄乎朽馭刻敢忘來賓用  
誌祖澤長金輅玉仗開闔閭田車弗駕坐明堂驅馳樂  
圃遊禮場六龍時乘受天慶

神木行

黃木廠有巨木長六十尺其圓臥地蔽騎者弗相見也土人稱曰神木相傳明初建

北京時自南方舉致之以其不中繩墨故弗用其皮膚因年久剝蝕視昔為猶減云

孱顏穹谷羌天宇冥靈大椿生是所天地精英神鬼輔  
化為鄧林疑夸父燕京初建明成祖搜索室奉為楹柱  
撫之不中雷霆妬叶虎狼怒齧蛟靈雨千夫畀走日里  
許夷山堙壑壞屋廡難依繩尺梓弗取橫岡偃臥安歛  
處閱歷歲月殊今古徑類修蛇圍若堵騎人去來蔽弗  
覩之篆剝蝕蟲與鼠謂云神木神其下叶我聞樗不夭  
斤斧胡遭大斲辭嶇嶇視之枼振差猶愈材不材間應  
見汝

雨中焚香泛臥遊書室

霏霏細雨千絲懸滄波萬頃含輕烟  
汴蒲岸柳濯新綠棠舟偶泛空濛川  
浮波野鷗梳濕羽亞堤山卉垂幽娟  
臥遊奚必披圖畫翛然清絕消萬緣  
宣銅乳爐烏卿熾深深隔火安古錢  
不須都梁五木品水沉細炷清芬便  
細參鼻觀滌塵想却憶書室曾忘筌  
油雲忽來天宇暝灑迥如聞飛瀑泉  
無色聲香原即此笑伊兀坐求逃禪

素絲行

陌桑甚落成枯杈蓬屋叩軋鳴綠車綠絲縷縷長且白  
為織吳綾與越紗吳綾越紗薄似霧美人中裙裁紵布  
殷勤熨貼臨溪浣惟恐織塵或沾汚素絲素絲如君子  
太初之色通表裏云胡黃黑任人為墨子悲之良有以

觀教漢瀑布水

我聞輿區天所秘疑信向半今信然浩浩萬里沙漠塞  
乃有瀑布崇岡懸車塵方苦紛竭盞豁開壺裏別有天  
侵尋峰岫羅嘉樹漸潤澗谷無埃烟是時仲秋曝晶日

忽聞雷聲殷前川坐令林巒失輕籟朗吟清眺萬慮蠲  
大者明珠小者璣如傾栲栳投深淵虎狼駭走不敢飲  
下疑千載蒼龍眠巨石橫斷無土壤粵生美箭奇而堅  
山葉紅綠如錯繡無名野卉相新鮮鸛鵲徘徊不忍去  
鼉鼉時向虬枝穿禹鑿龍門未至此胡乃三級限鱗鯁  
蒙古相傳瀑水以下鱗類甚夥而以上絕無亦甚奇云吁嘻泉石誠觀止賞咏自  
我羌誰先匡廬香爐無足喻山靈占此永不遷設置飛  
觴掬管地混沌竅鑿應難全

射虎行

鬱蔥萬木森虧蔽豁開大澤天無際朝嵐忽捲嶢峰烟  
樹色山光鬪蒼翠初來沛里拜

橋山便途較獵遵

先制鴈行兩翼圍密合貔旅八旗各標幟太平久經息  
兵草進退號令習軍事日未移時肩已倦他他饒獲麋  
鹿類乍見白額出林叢鼻頭出火人思刺期門飲飛驟  
驂駟驅之草淺平川地四圍重排雪鋒鎗負嵎空憶難



迴避唐弓夏箭出橐韃命中已決耽耽皆詎與漢將思  
爭勇歷艱

祖訓期無愧耳食書生未目覩橫議涉險鮮防備我笑  
羽林備過多壹發於菟却先斃

昭陵石馬歌

在昔穆王八駿追雲霞耄荒忘返天之涯太乙况漢天  
馬來樂府曾聞產渥洼勤勞血汗事何有雌黃徒惹詩  
人口不如漢文却受千里駒吉行五十符陽九周家岐

渭始勤農我朝三韓奮跡實彎弓由來受命雖有異艱  
難創業多齊蹤

太宗馬上得天下房駟星輝

天錫蝦叶大白小白協安吉

故老云一名大白

昭陵前石馬一名小白蓋

文皇帝所御也

文皇帝體豐而鎧重祇能行五十里云

至今立仗

昭陵貽石馬遐思我

祖如唐宗陵園廟號先後同汗趨嘗傳杜甫句闡揚光

烈千秋隆六御今年來故里貞觀遺跡餘荒壘

唐壘在廣寧縣

城東南相傳唐太宗  
征高麗駐兵之所

文皇曾亦討寒盟

謹按二年以

昭陵神功聖德碑云天聰  
朝鮮毀盟討之拔其都載飛

舸於車凌江華島李侗自縛  
請為臣釋之還并歸其俘獲

乘此雙龍渡渭水文綏武

服為藩屏萬年正朔奉永清不似李唐東征悔失計仆  
碑重建思魏徵

所過連山塔山皆我

太宗文皇帝用武之地而呂翁山則生擒洪承疇處也

蓋有明末季驟加遼餉至八百餘萬竭天下之力

奉東南一隅未收片甲之用而兵食兩誑人民  
離畔我

太祖高皇帝一舉薩爾滸而遼左之業成

太宗文皇帝再舉呂翁山而關西之勢定今因叩謁

祖陵親履其地思經營草昧之艱難爰恭紀其事以示

來許俾念

祖宗得天下之不易益勵守成之志亦以舉其殷鑒明  
之鹿亡其必有所以失之之故也

連山相接塔山峰溝濠壁塹凡幾重以守則固以戰勝  
將以勇氣吞遼東增募戍卒號百萬重臣經略操鐵券  
朝拜恩命暮縲紲舉棋不定曾無算監軍意氣壯且豪  
凌駕朝士如兒曹綿山亘海排鐵騎謂當唾手成勲勞  
太宗從容處以暇精兵已伏杏山下金支五色雲上蟠  
明卒望見魂驚怕奔走禦侮多英賢投石超距衆閒閒  
君臣一德功乃建人心既單必格

天彼志離兮我志合如枯易摧朽易拉不數唐帝美良

川祇今戰氣猶森  
蠅陸血漂杵海屍浮  
東潮雁鶩隨波  
鷗一時破竹十三  
萬傷我十人廝卒  
儔清流關側擒皇  
甫煌煌大業開疆  
土河山帶礪酬勲  
庸於爍雲龍與風  
虎乃知

皇天惟德親

桓桓謨烈告後久  
從來守成事不易  
殷鑒應思鹿失秦  
交則為秦塞則否  
九重宴安豈宜恃  
不見呂翁山畔上  
將降猶設椒漿奠  
忠鬼

聞黃鸝

輕棉飛盡池塘清綠陰檻外紛縱橫繁絲急竹俱無賴  
忽聞倉庚三兩鳴時至而鳴過則止萬物生成各天理  
偏生分別是人心愁者聽愁喜者喜愁兮喜兮兩不知  
葉底關關殊未已

霹靂驪歌

霹靂驪者超勇親王額駙策凌所進十駿中之傑出  
者也服御多年今病垂斃感物傷懷而作是詩

天閑十二龍為侶驥不多得聞自古不稱其力稱其德  
德力雙兼更難覩汝為驥子亶其然久冠驪黃在吾園  
北窮鴈塞乾馳驅東巡遼海周每膺資汝之力惜汝軀  
肯教下與駕胎伍騰驤猶具昔年心芻秣頓減瘠其阻  
耳竹離披目星落向我長鳴不能語嗚呼自今秋郊之  
獸免佗佗惟有弊帷留待汝

松花玉石屏歌

鬼工磨刀劖山骨女媧乏材補天窟琉璃罽愚失顏色



光奪青銅凜毛髮不圓而方萃且光都尉慙直絳侯訥  
勤思負宸其可忽

蟠龍引

山名前建行宮偶  
來駐蹕而作是詩

我聞金陵自昔稱龍蟠千秋形勝想像間奕奕瑤光照  
薊野蟠龍亦得名茲山江南江北不異地天龍遊戲同  
歸禪獅峰鷺嶺詎獅鷺何如九二見在田南陽臥客吾  
心企敢誇乘六以御天

青松行

髻髻山行宮內構書室數楹青松七株森翠當戶留  
連撫吟興在徂徠之麓矣

冬來萬木辭芳華暗撫時序驚逝波有翁矯矯異凡他  
不與桃李爭嫵媚迺今本色露些些幾楹書室架嵯峨  
適看虬影當窻紗怒濤謾起青雲霞岩楓坂榆禁不譁  
或側而立或坐跣竹林賢者一來過比秦大夫猶為多  
我來徘徊撫且摩汝誠逸民為我羅會心有在理則那  
皎皎白駒詩人歌

皇清文頴卷首二十一